

حيات

اداره مرکزی :

آنقره ده ، استانبول جاده سنده آنقره
معارف امینتکی پاشه کی داتره

استانبول بورسی :

استانبول ده ، آنقره جاده سنده ۸۷ نومروده
دائرة مخصوصه

نسخه سی هربرده ۱۵ غرور شر

سنه لکی پوسته ايله ۷.۵ لیرا .
(اجنبی مملکتلر ایچین ۷.۵ دولار)

ابونه و اعلان ایشلری ایچین استانبول بورسه
مراجعت ایدیلیر .
بازی ایشلرنک مرجعی آنقره مرکزدر .

میار دامامیاز ... دنیای دها جوق حیات قاتلم ...
نیجه -

صافی : ۷۸

آنقره ، ۲۴ مایس ، ۱۹۲۸

۳ نجی جلد

أمان الله خان حضرتلری آنقره ده

أمان الله خان حضرتلری کچن جمعه ایرته سندنبری تورکیه نك مسافری اولارق بولونوبورلر . کندیلری آوروپا حکومت مرکز لرندن برچوغنه اوغرا دیلر . هپسند بویوک مراسمه استقبال و تشییع اولوندیلر . تورک وطننده ایسه آنجق قاردهش قلبنده بولونایله جک جوق صیجاق ، جوق درین برحبتله قارشیلاندیلر . بو حسی اوزون بر تاریخ دوقودی ؛ دهادون دینه جک برماضیده افغان ملتی ، باشده قیمتی حکمدارلری اولدینی حالده استقلال و حریتی ایچین مجادله ایده رکن تورک قلبی حرارتله آسیانک بو قهرمان ملتنک موفقیتی دیله یوردی . استقلال حربنده ده تورک ملتی بویوک داهینک آرقاسنده وطنی قورتارمق ایچین چالیشیرکن افغانیلرک یوره کلدی ده برتورک کبی چاریمشدی . بو مشترک حسلر ایکی ملتی بربرینه جوق درین حسله ربط ایله مشدر . بو دوغولری قارداش ایکی ملتنک بویوک رئیسری ، صحیفه لر مزه افتخارله درج ایتدی کمز متقابل نطقلرنده قلبدن کلن وجیز و بلیغ برلسانه سویله مشر . وعینی زمانده تورک و افغان کنجلیکی ایچون هر برکله سی قیمتی برر درس تشکیل ایدن و اوزرلرنده درین درین دوشونوله جک بر حقیقت اولان بیاناتده بولونمشلردر .

تورک و افغان ملتلرینی یکدیگرینه یالکز ماضیده کی رابطه باغلاماشدر . بو ایکی ملتنک استقبال حقنده مفکوره لرنده کی عنیت ده حسلرده کی اشتراکی اتمام ایله مکده در . تورک ملتی بویوک انقلابیه مدنیت طالنه کبرمکه مانع اولان بوتون انککلری بیقدی . افغان ملتی ده عینی یوله یوروپور . افغان ملتی بو مفکوره یه دوغرو یورو رکن تورک ملتنک تجربه لرندن جوق استفاده ایده بیلیر . تورک ملتی ده عینی جهدی کوسته رهن قاردهش ملته معنوی و حرثی ساحه ده هر نوع یاردیمی یایمایی انسانی بربورج بیلمکده در . حکمدارلر حضراتی تجدد ساحه سنه آتیلحق خصوصنده دها اسکی اولان قاردهش تورکیه ده افغانستانک رفا و سعادت دیله ی جوق تمیز یوره کلد بولاجقلر ، افغانستانده یایلماسی لازم کلن فکرلرله تماس ایلیه جکلر در . قرال و قرالیچه حضرتلرینک زیارتی ایکی ملت آراسنده ذاتاً جوقدن باشلامش اولان حرثی مناسبتی برقندها تقویه ایده جکندن شبه ائمه یورم . بو مناسبتدرکه آسیاده غرب مدینتی ایچنه کبرمش ایکی ملتنک عینی دوغغو و بیلکی ایله هر زمان ال اله یورومه سنی تأمین ایلیه جکلر .

محمد امین

غازی حضرتلرینک نطقلری

— قرال حضرتلری ، تورک ملتی و جمهوریت حکومق و بن ذات حکمدارلرینی و قرالیچه حضرتلرینی تورکیه ده کورمکله پک زیاده مسرور و ممنونز . کابلدن حرکت بیورولدینی کوندنبری سیاحت حکمداریلری صفحاتی بویوک علاقه و افتخارله تعقیب ایدیور و عمومی براشتیاق و تحسره مملکتیزی تشریفلرینه انتظار ایله یوردق . بوگون قارداش افغان ملتی اسیل و قیمندار شخصلرنده تمیل ایدن برادر خاص قرال حضرتلرینی و محترم قرالیچه حضرتلرینی حکومت مرکزیمز ، آنقره ده تورک ملتی و تورک دولتی نامه شخصاً سلام مقله بختیارم .

مضار کرام ، افغان ملتی ایله منشأی اورته آسیا اولان اجدادمن آره سنده کی مناسبتر و اخوت رابطه لری پک قدیمدر . تاریخک سیلنمز صحیفه لری اومناسبترک ابدی خاطرله لرله دولودر . ایکی قدیم و قهرمان ملتنک بوکونکی اولادلری ، بزلر ، مدار انتباه اولان او صحیفه لری بویوک علاقه ایله مطالعه اتملی یز . اوراده افغان ملتی ایله تورک ملتنک بر صفده یان یانه عین غایبه یورودبکی و مشترک شانلر و ظفرل قازاندینی کوریه جکلر . تاریخک لایموت مضبوطانی بزه قاردهشک

حسلینی و رابطه لرینی قیمتی بر میراث مشترک اوله رق برافش اولان افغانلی و تورک بویوک بابالریمک بوکونکی سیاسی حدودلریمک خارجنده کی ساحه لرده دخی دولتر قورمقده یکدیگرینه خلف و سلف اولدق لرینی کوسترمکده در .

ایشته بوکونکی افغان و تورک ملتلی صایسز عصرلرک و بویوک قطعه لرک ایچنه خاطرله ر و عنعنله ر سالان بویوک ملتنک اولادلریدر .

عزیز دوستمز قرال حضرتلری ، تاریخک نه غریب تجلیلری ، دنیا خادنه لرینک نه معنیدار تصادف و مشابهلری واردر !

ذات حکمداریلری ۱۹۱۹ ده قهرمان افغان ملتنک باشنده اولارق آسیانک اورتاسنده استقلال ایچون مجادله یه آئینیرکن بزه عین تاریخده بوراده آوروپانک شرقنده بوتون مدنی جهانک پیش انظارنده استقلال و حریمتزه وورولان ضربه لره کوسلرمزی سپر ایدرک دوکیشیوردق .

سزه و بزه جکدیریلن بونجه آلام واضطرابدن بعثه حاجت یوقدر . یالکز استقلال و حریت عشق ، ملتر ایچون واضطراب آنلری ، واضطراب مسیبلری

رومانه، بويوك عطيه وعطيه مقنده بر قاج سرحط

ادبيات مسأله‌ری

- برنجی قسمی ۷۷ نومرولی نسخه ده در -

یعنی، دیمک اولوبورکه، ای بررومان یازان عمر اول امرده رومانجیلی صنعتنک بوتون ایجه لکری بیله جک، تکمیل بر صفحه حیاتی جانلی و هیجانی برحاله کوسترمک ایچون نه لازمه هینی یا باجق، و بودقت و غیرتی اوچوز، درتوز، بشوز صحیفه امتدادنجه دوام ایده جکدر. هر شیدن اول قارنده وقعه به اولان حس علاقه بی سوندبرمه مکلف بولوندینی ایچون، فضله شاعرانه تصویرلره جسات ایده میه جک، کله واسلوب او بونلری یا به میه جق، شوقدرکه چالا قلم و کلیشی کوزل یازارق برماجرا حکایه جیسی درکسته دوشمکندن ده هر آن اجتناب ایده جکدر. روماننک علاقه دار اولدینی فلسفی اجتماعی، فنی و طبی مسأله بی ایسته دیکی کی تشریح ابتدیی تقدیرده وقعه لرده کی حرکتی او پوشدیره جفتدن، مثلاً حسین رحمی بکک محمول تبع فکرلری احتوا ایتمکله برابر جوق برنده مشکلات ایله اوقونان (قو قوتلر مکتبی) اثرنده اولدینی کی آغیر و صیقیجی اولقی تهله کسینه قارشیلانجه جق، بومسأله لری ایسته دیکی کی تشریح ایتمنجه ده فکرلری مبهم قالارق، سوبله مک ایسته دیکی شیشی هیچ آکلاناماق و یا خودیا کلتش آکلانقی تهله کسینه معروض بولونه جقدر. روماننک ارثه ابتدیی محیط تاریخی فقط قهرمانی مخیل ایه، بو مخیل قهرمانه حقیقی بر تاریخ دوره سته حاکم فعللر یا بدیرمق مجبوریتله تاریخی اشخاصک مضبوط و مسجل حقوقی غصب ایده جک، روماننک قهرمان و یا قهرمانلری حقیقی اشخاص تاریخی اولدینی تقدیرده بیله - چونکه رومانلرده وقایع حیاتده اولدیفندن ده اسرعتی و نتیجه لر سبیلره ده یاقین اولدیفندن - او اشخاصی نه معلومات تاریخی به مغایر بر طرزده یا شاعق مجبوریتنده بولونه جقدر. رومانندن بر نظریه اجتماعی استخراجنه چالیشدینی تقدیرده، حکایه وادیسندن آریله رق تصور ابتدیی وقعه لری معین بر نقطه نظر خدمتکاری ایتمکدن قورقه جق، هیچ بر نتیجه چیقارمادن کتانی بیترمک ایسترسه، اترك دوامی مدتیجه محافظه ایده بیله کی احتیاط و هیجانی صوک صحیفه لرده بالذات اولدیرمش اولقی تهله کسینه معروض قالاجقدر. حکایه ابتدیی حیات صفحه سنک بوتون مهم سیالزندن هیچ برینی یاری بولده اونوقت صلاحیتی اولیه رق بونلرک عاقبتلری بزه بیلدیرمه سی ایجاب ایده جک، فقط بویله یا نجه ده، معین بر دوره ووقعه قهرمانلرینک مقدراتی حیاته بویله عینی زمانده نتیجه لیه دیکی و اساساده هر حرکتک نتیجه سی مطلقاً نظاهر ایتمه دیکی کندیسنه اخطار اولونه بیله جکدر. رومانجینک، تصور و حکایه ابتدیی حیاته، حقیقی حیاتک اکتجین اختلاف و معمارلی حل ایچون استعمال ابتدیی او بويوك قوتدن، آدینه تصادف ایدیلن او حلال مشکلاتدن استفاده به ده صلاحیتی بوقدر. مثلاً

همیز خاطرلارز: عمد رؤف بک (ایلول) نده، سعاد خانک زوجی ثریایی آلداتارق و یا ترک ایده رک نجیب بکک قوللرینه دوشمه سنی ایسته مه مش، فصله اخلاق پرستلکله یا خود بوسورتله روماننک مبتدل بر سقوط حکایه سته دونه جکئی دوشونه رک بونی مناسب کورمه مش، وسعاده نجیبک هر شیشی ده ووروب قهر ایده جک قدر مطلق بر قدرت آلان عشق لری قارشیسندن باشقه بر صورت حل ده بولامیه رق، آتی بر یانغینک آله ولری ایچنده ایکی سودا زده بی ایدیا حبس ایتمک صورتیه اثری بیتیرمش، بوندن طولانی ده آکلاندینی شیلری نتیجه لندبرمه مش اولغله مواخذه ایدلشدر. حالبوکه سعاد خانله ثریا و نجیب بکک، بر محررک خیال و دماغنده وجود بولاجتلرینه بودنیاده کرچکدن یا شاسه بیدیلر، آرا لرنده کی بوقلب مجادله لری حیات حقیقیه نک اللریله ده ساده بر طرزده حل ایدیلنه، کندیلرینی صا رمش اولان کور دوکوم جوزوله مز میدی؟ نجیب بک یا خود ثریا بک - ایلول یازلدینی زمان اوتوموبیل بولونغاندینی جهتل اوتوموبیل آلتنده قالارق دیمه یلم فقط - صیق صیق بیته جک لری شرکت خبریه واپورلرینک برندن دکزه دوشه رک یا خود بر مدت کیدوب کله جک لری ارن کوی طرفلرنده ترنه چیکنه نه رک یا خودده ساده جه یولده کیدرکن برندن برینک باشنه بر بردن آغیر بر طاش دوشه رک اوله مز لرمیدی و اوزمان حقیقی حیاتک سعاد خانی خط حرکتی قولایجه تعیین ایده مز میدی؟... حیات حقیقیه نک احسان ابتدیی بو چشید سهولتر و احضار ابتدیی بوقیل نتیجه لر غیر واقع، حتی بک نادر میدر...؟

دینندن بری صایدیم بوتون اوصافی حائر، ذکر ایندی کم شرائطه تماماً رعایتله یازلش قاج روماننک اولدینی سوالی شیمدی خاطره کلیور. بو سوال مواجهه سنده دیک اوجه و قلمک اوجه ایلك اوجه کله جک اسلر (عشق ممنوع) ایله (چالی قوشی) اولابیلر. چالی قوشنده اسلوب و تصویرلر طبیی و صمیمی، عشق ممنوعده ایسه ته قنیق و هله موضوع ده اساسلی و قوتلیدر. چالی قوشنده اثری دوله دوران قصبه و کوی تصویرلری و مختلف سیالری اترك قهرمانی اولان فریده نشانلیسه کوسوب استانبولدن قاچا - سیدی هیچ بیلمه جه جکک. و فریده نک هر مکان واقیم ده کیشدریشنده، کندیسینه برابر کوردیکمز برلره و طانیدیمز سیالره وداع ایدپورز. اختیار دوقتوری استغنا ایدرسه ک، اولردن هیچ برینک نتیجه اوزرنده تأثیرلری اولامقده و حقیقت وقعه ایله علاقه لری بولونامقده در. رشاد نوری بک قیمتی قلمیه بزه یکر می، اوتوز، الی کشی طانیندردینی کی اوچوز کشی، بشوز کشی، بیک کشی ده

طانیندیر ایلیردی. و فریده، منکوحه سی اولاجنی یوسک روحی دوقتورک نکاحی آلتنه کیرمه دن اول اون ردها ده کیشدره بیلیردی. عشق ممنوعه کلنجه، بورومانده اصل قهرمان وقایع کیمدر و ممنوع اولان عشق کیمک کیمه قارشى طویدینی عشقدر، بونی تعیینده حیرت و مشکلاته اوغراپورز. بالذات بن، بو کتانی بلکه اون کره اوقومش ایکن، ممنوع اولان عشق بهترک بهلوله عضلی مغلوبیتی، بوقسه نهالک بهلوله قارشى انکشاف ایدن پاک و نازه سودا سیمیدر، تعیین ایده میورم. نهال ایله بهتردن باشقه، بهلول، عدنان بک، فردوس خان، حتی فرانسیز صریه، حتی متورم حبش بشیر، بزه روماننک جهرة اساسی کی اوزون اوزون آکلانیورلر. انجق شووارک - وایسته ته قنیق قوتی بوراده - هب بوسپالرک مقدراتی یکدیگرینه تماماً صر بولدر و ایچلرندن هر هانکیسی موجود اولاسیدی روماننک ایلرلیشی باشقه درلو اولور، نتیجه سی باشقه درلو اولوردی. چالی قوشنده ایسه کیفیت بویله دکدر. و رومانجیلرین موضوعلری وطنک هر طرفندن آلمغه باشلا دقندن و تورکروطنلری داخلنده ده جوق دولاشمغه آلیشدقندن سوکره رشاد نوری بکک بو کتانی اوقویه جق اولانلر، کندیلرینک برآز فضله، برآز بلا سبب کزدیر. لکدرینه حکم ایده جکدر، صانیورم.

تورک ادبیاتنک اک ای رومانلری عد اولونان و هر حالده اک مقتدر ایکی رومانجیسی طرفندن یازیلان بو ایکی اثرده برده منطق قصوری وار. عشق ممنوع بیتنجه قدر بو قصور فرق ایدلز، چونکه نتیجه ده و قهرمانلردن برینک عاقبتنده در. چالی قوشنده ایسه قصوری طوغریدن طوغری به یکانه قهرماننک حرکت طرزنده کور و بورز، و بوتون وقعه لر چالی قوشنه یعنی فریده به یا بدیریلان بو غیر طبیی حرکتدن ایلری کلدیکی ایچون، نقصان و خطا جوق ده فضله حائر اهمیت کورونمکده در: خاله ضیا بکک اثرنده، بهتر زنگینلککنه طمع ایدرک یا شلی بر آدمه واردقندن آز زمان سوکره، تماماً عضلی بر احتیاجه مغلوب اولارق زوجنه اخانت ایدر. شریک جرمی بهلول، قوجاسنک یکشیدر و کندیلرله برابر اوطور مقده در. بهلول هر جائی روحی برکنجدر و قصبه بر زمان کچنجه، بهتر معشوقی رقاصه لر و آلفته لرله پایلا شقی مجبوریتنده قالیر. و بو حاله بهترک قانلا غاسنده، عین او ایچنده یا شایان برارککله مناسبنده بولونغانک راحت و زحمتسز اولدینی دوشونجه سی آشکاردر. یعنی بهتر ایجه لک و عزت نفسدن تماماً نصیبسز بر مخلوقدر. ذاتاً سنه لرجه باره ایچون اوتنه کنک بریکنک قوجاغنده کزمش بر فردوس خانک قیزیدر، و اوکی قیزی نهال ایله بهلولک ازدواج مقررینی، بو زحمتسز و راحت مناسبتنک ادامه سته امکان براقیه جنی ایچون بالخاصه قیصقانه رق، قوجاسنه کنهانی اعترافه حاضر لانیکن، اونک بو کنهانی باشقه سندن اوکره ندیکنی آکلر آکلماز، برنانبه ایچنده بر باشقه قادن، جوق مغرور و بوکک بر قادن کسیلوب اتخار ایدر. فریده به کلنجه، نشانلیسنی بر اقره رق و هر شیشی ترک ایدرک استانبولدن

قاجاسنی معذور کورہ جکمز قدر بوپوک بر فلا کتله قارشلا شامشدر . « بہتر اتخار ایتمہ جکدی ، بویله بر قادین اتخار ایدہ من . » دیورز ، وخیلہ مزده ، خالہ ضیا بکک قاپیوریدی کی کتاب عمرینک یکی صحیفہ لری جانلانیور . جالی قوشندہ دمہ کہ بوالبتہ دہا فنا - فریدہ نک قصبہ دن قصبہ یہ طولاشغلہ کچن حیاتیہ ایٹانہ میور ، « فریدہ ، عزلی و جشارتلی فریدہ ، ذاتاً جوجوق روحی و پک خوبیا اولدیغنی بیلدیکی و بیله بیله او قدر سودیکی نشانلیسی محافظہ ایدہ بیلیر و محافظہ ایدہ بیلک ایچون هرکله و هرشیله کوله شه بیلیدی ، بزه رشاد نوری بکک طانتیدیردینی فریدہ انجی بویله حرکت ایدہ بیلیدی . » دیہ دوشونوبورز . رومان ایہ مان تماماً فریدہ نک فرارینی تعقیب ایدن طولاشعلرندن عبارت اولدینی ایچون ، بزه جدأ اولمش بروقمہ حسی ، حقیقی برسرکذشتک شاهدلری اولق قناعتی و برمیور . واقعا بررومانچینک ایستہ دیکی و دیلہ دیکی شکلدہ انسانلر یاراقمہ صلاحیتی مطلقدر . پونلر اللہک یاراتدینی انسانلردن دہا جور ، دہا تمیز ، دہا ذکی و عزیمکار ، ویا دہا عادی ، دہا ملوت ، دہا قانلی و غدار اولایلیرلر . فقط بونلرہ بکندیکی طرزده روح و دماغ و برمکده حر اولان رومانچی ، عین زمانہ دہه مخلوقاتک سزک کی ہم کی و کندیسی کی حقیقی برر انسان اولدقلمزده بزی اینانیدیرم بیلک قدرتمہ مالک اولمالیدر . شیمدی جسور کوستردیکی کیمہ یی آرزوکرہ جبین و دمن ذکی اولارق تقدیم ابتدکی مخلوق بر آزدن سرسم دہ بزه قبول ابتدیرمکہ قافارسمہ ، بز بونلرک حقیقی برانسان اولدقلمزہ اینانقده معذور اولورز .

خالہ خانمک ایلک اثرلرندن اولوب قانکک اک هیجانلی بر زمانندہ یازیلش اولدینی محسوس بولونان (سوبہ طالب) اسملی کتابدہ دہه غیر قابل قبول و اثرک حقیقتندن شبہ ابتدیرن بر منطق خطاسی واردر . حکایہ نک بوتون مدت دوامندہ و هرصحیفہ دہه پک یوکسک اولان وجدانندن بحث ایدیلن و روحاً هیچ کفوی اولمایان ایلک قوجہ سندن آریلہرق ایکنجی زوجہ و ارہلی زوجہ لرک اک مشفق ، فضیلتکار و فداکاری اولدینی متنادیاً تکرار ایدیلن سوبہ خانم ، اک بوپوک صحنہ صنعتکارلری قدر شرقی سوبیلہ جک و شکسیرک بوتون قاجہ لری انکلیزجہ از بر بیله جک قدر خلقنک مظهر اعتناسی اولمش سوبہ خانم ، قوجاسنک اودہ بولونغاندینی و کندیسنک ساکنجہ یاتغہ حاضرلاندینی بر کجہ ، خصملرندن بر دلیقانی اودہ کلوب کندیسنہ قارشى بسلہ دیکی عشقندن بحث ابتدکی دقیقه دہه اوکنجک قوللرینہ دوشر . سوبہ نک بودلیقانی یی سودیکنہ دائر اثرک دوامی مدتیجہ هیچ بر بحث حتی هیچ بر ایما یوقکن ، بوسقوط آ کلا . شیلحاسی غیر قابل بر حرکتدر . ناموسلی قادیلرک البتہ سومنکلی ارککلرہ دکل ، فقط اختیارلری خارجندہ اولارق سودکلی کیمہ لردہه کندیلرینی و برمه لری پک طبیی ایکن ، خالہ خانمک مشفق ، فداکار و فضیلتکار بر زوجہ دیہ تقدیم ابتدکی سوبہ طالب خانمک ، اصلاح نفس ایدہ جکی خولباسیلہ کندیسنہ او طولولش بر کناھکار قادینک آنجی

یابیلہ جکی بر طرزده حرکت ایدیشی اسانندہ نہایتسز بر ولہ وحیرت اویندیرر و او وقتہ قدر رومانچینک سوزلرینہ اینانیدیغنه انسان حدتلیز . ہم دکل سادہ حیات حقیقہ یی تصویر ادعا سنده بولونان رومانلردہ ، حتی احمد حکمت بک مرحومک (خارستان و کستان) ی کی افسانہ وی اثرلر و یا خود قلودفارہ رک (لامہ زون دہه زوم و یوان) اسملی رومانی کی ، کنج و زندہ وجودلرک قانلرینی ایچمک صورتیلہ حیات مؤیدہ تأمین ایتمش کیمہ لر قهرمانلری اولان و جوجوقلمزده طویدیمز جن ماصالرینی آ کدیران کتابلردہ بیلہ ، بشریتدن بوقدر اوزاق اولان قهرمانلرینہ بحرینہ انسانلرہ عائد ضعفلردن ، مزیتلردن ، طبعلردن و عادتلردن بر جوق شی و برمک ایجاب ایدر . اوت ، بونلرک رومانچی طرفندن ایچمک اولوغش قوقلارلردن

لغتہ محکوم

- ۲ -

خلقه درد اولدی دیہه وارلغم کوندن کونہ بکا زنجیر وورسہ لر سانما ایرکیلہ جکم . نہه وطلو گل یوزکدن آتیلیرسم سورکونہ ، دردیمی دیار دیار هایقیراییلہ جکم .

زندانه دوشسم بیلہ صوصق ایچین بر آرہ قیزیل کلر آچاجق بوغندن صیران یارہ ، رسمکی چیزمک اوزرہ قائمہ دورت دووارہ قارالامش طاشلری یاشلرہ سیلہ جکم .

آجق ایچین کندیہه آباق اوجکده ترہه آشیندیردم باصدیفک طوراغی ثوبہ ثوبہ ، آرتق قوروب ٹوستہ ییشیل داللرہ قہه آدیکی هایقیرارق ایہه چکیلہ جکم .

فاروقہ نافذ

عبارت اولدینی هیچ بر زمان اونوتامایز ؛ حیات حقیقہ دہه هیچ بر زمان بویله انسانلر و بویله وقعہ لر اولامیہ جفندہ بر آن بیلہ شبہ ایتمہ بز ؛ فقط بوانسانہ وی مخلوقاتک بر حرکتلرنده ؛ بردوشونوشلرنده ، بر قورقو و یاسونجیلرنده کندی . وجودیتلرمن و کندی افکارمنلہ بر مشابہت بولایلینجہ ، وقایع نہ قدر حیات حقیقہه ایجابانہ مطابق بر طرزده ترتیب ایدلہ مش اولورسہ اولسون ، کندیلر یلہ بنہ علاقہ دار اولورز . عکس حالہ ایہه ، بو هیچ بر شیلری بزه بکزمین قوقلارک بختیارلقلمزده دہه ، اولوملرینہ دہه ، طفر و یا هزیمتلرینہ دہه لاقید قایلر . بو تقدیردہه دہه ، محرک صنعتی و روحی نہ قدر سورسہک سولم ، کتابنک المزدن صیقینی ایلہ دوشمہ سی احتمالی پک غالب ، حتی محققدر .

بوپوک حکایہ اعظمی اولارق ایکی یوز صحیفہ دن عبارت اولدینی ایچون ، بونک محرری ، قارئک صیقیلوب اثری الندن آتہ جنی قورقوسیلہ بر رومان یازان قدر بی حضور دکلدر . چونکہ فرضا بشیوز صحیفہ نک مدت امتدادنیجہ صیقیلغہ تحمل ایدہ مین بر صبر و متانت ، الی ، یوز و حتی یوز الی صحیفہ یی اسلوبک ویا بر سنجیہ تصویرینک خاطری ایچون اوقومغہ راضی اولایلیر . مثلاً بر آرز اولد اسمنی ذکر ابتدیکم هانری دورہ نیہ نک (لیلوزیون ٹروبیکی دوتیتو باسی) اسمنده براوزون حکایہ سی واردر کہ بر قاج عصر اولکی اینالیادہ بوپوک بر هائیلہ آفتوری اولق اوزرہ یتیشدیرلشکن قدرک کندیسی بالیاچو درکستہ ایندیردیکی تیتو باسی اسمنده بر شصک کویا دفتر خاطر ایدر . تیتو باسی قیصا قنوب زوجہ سی یی قافلامش ؛ غایت خفیفجہ یارالایایلمش ، فقط بوندن دہه بر اکلنجہ وسیلہ سی چیقارلق اوزرہ ، آلدینی جریغہ دن زوجہ سنک اولدیکی و بناً علیہ اعدامہ محکوم ایدلیدی کندیسنہ سولیمشدر . خلقی قهقہه لرلہ کولدیرمکدن باشقہ برغایہ وهزی اولادینی ایچون نفرت ابتدکی حیاتنک قان و اولوملہ نتیجہ . لنہ جکندن ، حیاتنک بر هائیلہه انقلابندن صوتیاری متلی ، مفتخردر . کندیسی بر صباح میدان سیاست کتیرر ، اک صوک دقیقه دہه حقیقی بیلدیررلر ؛ قانلککنک ، اعدام قرارینک ، قارشینندہ کی جلادک بوتون برر او بوندن عبارت بولوندیغنی و میدان سیاسی طولدیران بوجم غفیرک سادہ جہ کندیسیلہ اکلنکک کلش اولدیغنی ، کولکدن بایلا بایلا آ کلاتیرلر . قیصہ بر قهرمانلق رؤیاسندن ابدیاً اویاتان یتیتو باسی اینالیانک بوتون طولاشدینی بوپوک و کوچوک بلده لرندن هیچ برندہ ، قورقونج بر سیاست میدانی طنز ابتدکی بو بردہ اولدینی قدر خواص و عوامک مسخرہ سی اولامش ، بوقدر مدید و بو قدر مستحضر قهقہه لرلہ خواص و عوامی کندیسنہ کولدیرمہ مشدر ؛ بو ، حزین و غمیر بر حیاتک جدأ الی برلسانلہ حکایہ سیدر ؛ رومان شکندہ یازیلایدی ، اسلوبک سحر و فسونہ رغماً باشند نہایت قدر اوقونولاسی بلکہ امکانشیز اولوردی . فقط بوپوک حکایہ جمندہ قالدینی ایچون ، بلکہ بنہ بر آرز زحمنہ ، احتمال آغیر آغیر ، فقط هر حالہ اوقونقده و اوقوندقن سوکردهه آرتق اونوتولاسی قابل اولماقده در .

- صوکی کلہ جک نسخہ دہه -

ناھیر سری

